

“Sakgipin” Me-chik



Amazing Facts
Poraiani

22



Pilak bia ka-anian ka-dongchakgrikanio pangchaka. Aro an-chingni Kristoba nangrimanio, an-ching Una aro Uni Kattana apsandake bebe ong-na nanga. Parape-ani ki-tap Kristoni chong-motgipa namchikni gimin agana, indiba uano sakgipin “me-chik” donga jean bebera-giparanko Isolni Kattaoniko muni nangate chel-atna jotton ka-enga. Parape-a ki-tapo Babylonni gimin jagokmanpilgipa nama katta donga – sakgipin me-chik. Babylon ga-akaha, aro manderang uni kimalaoni joke katna nangchongmota ong-jaode gimaatako man-gen! Indake sa-gre sakgittamni nama kattarangni gni bakko a-bachengatenga. Iano na-a gisikni gita chong-motgipa Babylonni bimangni gimin skie ra-na man-gen aro maikai uni kengnigipa nitoanichi mikkandalataniko gelna man-gen. Maiaa nangchongmotbatgipa ong-na man-gen?

1

Maikai Jisu Babylonko Parape-a ki-tapo talataniko dakaha?

“Iachi re-babo, anga bang-a chirangni kosako asonggipa dal-gipa dariko bichal ka-ako nang-na masokgen ... Aro anga kal-stapani bimungrang gaggipa, sko dotsni aro grong gongchikkung gnanggipa, matburung gitcho ako asonga me-chikko nikaha. Aro ua me-chik gitcho mrang aro gitcho akako ganaha, aro uko sonachi aro gamchatgipa ro-ongchi aro mukutarangchi ching-ataha; aro uni jako mitchian aro an-tangni til-ekani marangan gaggipa sona ringchakani gnangchim. Aro uni mikkingo ia bimung sea gnang, NING-TUA, DAL-GIPA BABYLON, DARIRANGNI ARO A-ANI MITCHIANIRANGNI MA-GIPA.” (Parape-a 17:1, 3-5).

Aganchakani: Parape-a 17:1-5 o, Jisu Babylonko gitcho aro gitcho mrangko gangipa dari me-chikko talataha. Ua matburung gitcho ako asongaha, jean sko dotsni aro grong gongchikkung dongachim aro bang-a chirangni kosako asongaha.

2

Parape-a 12 ni rongtalgipa me-chikko mesokgipara sawa?

Aganchakani: Salko gangipa rongtalgipa me-chikko Parape-a 12:1-6 o mesokaha. An-ching Poraiani Lesson 20 o rongtalgipa me-chikara Isolni rongtalgipa mondoliko mesoka, jean an-tangni segipa, Jisuna kakket ong-aha. An-ching Parape-a 12 ning-tubate Poraiani Lesson 23 o skie ra-gen.



3

Sastroni katchinike aganano dari me-chikara maiko mesokaha?

“Mandeni depante, Jerusalemna uni

mitchignirangko u-iatbo ... Na-a an-tangni nitoanio ka-dongaha, aro an-tangko mingsingani gimin dari dakaha” (Ezekiel 16:2, 15).

Aganchakani: Jedake rongtalgipa me-chik rongtalgipa mondoliko mesokaha chong-motan uan Jisuna kakket ong-aha gita rongtalgijagipa me-chik rongtalgijagipa ba ga-akgimin, mondoliko mesoka jean Jisuna kakket ong-jaha (**Jakob 4:4**).

4

An-ching dari (mondoli) me-chikko mesokatna man-genma jekon Parape-a odha 17 o “Dal-gipa Babylon, Darirangni ma-gipa” ine mingaha?

Aganchakani: Oe aganna mana. Iako namedaken uina mana maina uano mondoli gesasan donga jekon mother church ine an-tangko aganaha – uan Roman Catholic Mondoli ong-a. John A. O’Brien, saksa mingsingbegipa Catholic kamal indine aganaha, “Robibar salko rakkianian mother church ba mamong mondoli ong-a ine gisik ra-atani ong-a jeonin Catholi ong-gijagipa dolrang ma-engkangaha.”¹ Parape-a 17 o Dal-gipa Babylon, Darirangni ma-gipa aro matburung jeon ua asonga popeni bilko talatna iarangchi kragipa ong-a:

- A. Ua rongtalgiparango arika (**pod 6**). (Poraiani Lesson 15 aro 20 ko nibo)
- B. Ua gitchakmrang aro gitchak gandingko ganaha (**pod 4**). Pope gitchakmarang rajani gandingko nangchongmotgipa manianirango ganronga, aro gitchak rongan Catholic pamongrangni gandingrangni rong ong-a.
- C. Skot dotsni matburung (**pod 3**) jeni kosako me-chik asonga uan a-bri totsni (**pod 9**) ong-a. Iani gimin namedaken u-ina man-a je Rome, popeni dongchakramrangko a-bri totsni rango rikaha.
- D. Matburung Isolni kosako matnange aganani gimin dosi chanako man-aha (**pod 3**), je chanchianian popeni kamko krara ine mesoka. (Poraiani Lesson 15 aro 20 ko nibo).
- E. Uan “a-ani rajarangni kosako” (**pod 18**) sason ka-aha. Alexander Flick indine agana, 13 ritcha bilsirango, pope a-gilsak gimikko “skie on-achi” ... dikedksana aro gisikni bidingni gita sason ka-aha.”² Ia mesokanian gipin a-gilsako songnok ba sorkari dongja ine kragipa mesokani ong-aha. Parape-a 17 o popeni bilko talatgipa bebara-gija ong-jana namen rongtalbea.

Chanchie niatbo: Gital dakpiltaiatna kamko ka-ani (Huss, Wycliffe, Luther, Clavin, Zwingly, Melanchton, Cranmer, Tyndale, Latimer, Ridley, aro gipinrang) bang-a dilgiparang skie on-aniko dakaha je popeni bilan iano bak donga.³

¹ John A. O’Brien, *The Faith of Millions* (Huntington, IN: Our Sunday Visitor, Inc., 1974), 401.

² *The Rise of the Mediaeval Church* (New York: Burt Franklin, 1959), 575

³ George Eldon Ladd, *The Blessed Hope* (Grand Rapids, MI: William B. Eerdmans Publishing Co., 1956), 32–34.



5

“Babylon” kattani orto chong-motara maia, aro banoni a-bachengaha?

“Hai, an-ching, aro salgi gitote itko dakdoe ... Unon Jihova inaha ... Hai, uamang saksara sakgipinni agananiko u-ina amjachina gita, an-ching ong-onange uamangni ku-sikko dingtang dingtang dakatna ... Uni gimin uni bimungko Babel mingaha; maina uanon Jihova a-a gimikni kusikko dingtang dingtang dakataha” (**Abachenga 11:4, 6, 7, 9**).

Aganchakani: “Babel” aro “Babylon” kattarangara “bilding bildang” ong-ani ine miksongani ong-a. Babylon bimung Babel nokoni a-bachengaha jekon Chi dubiani ja-mano Isloko jegalgipa songsarekrangchi rikahachim jerangan chue rikna ka-dongaha jedakode chi banani somoio mripatako man-jawa (**pod 4**). Indiba Jihova uamangni ku-sikko bilding bildangataha aro bilding bildang ong-aniara inditan dal-aha je uamang an-tangtangni rikaniko dondikna draatako man-aha. Indakesa uamang “Babel” (Babylon) nokko bilding bildang onani mingaha. Jamano, Niam Gitchamni salrango, agilsak gimikni songnok Babylon ongatbaaha; ian Isolni manderang, Israelni bobol ong-aha. Iano bobol dake chakatani, bamgijani, Isolni manderangko a-rik sanalani, gaora de-ani, aro miteko

olakkianiko mesokaha (**Jeremia 39:6, 7; 50:29, 31-34; 51:24, 34, 47; Daniel 3 aro 5**). **Isaia odhai 14** o Isol Babylonko Satanni chin dake jakkalaha maina Babylonara inditan bobol dakaha aro Isolni kamko aro Uni manderangko nisiataniko dakaha. Niam Gitalni Parape-a ki-tapo, “Babylon” ingipa kattako toromni songnokko mesokaha jean Isolni gisikni Israelni – Uni mondoli (**Parape-a 14:8; 16:19**) bobol ong-aha.

6

Parape-a 17:5 o talatgipa dal-gipa Babylon, darirangni aro a-ani mitchianirangni ma-gipani dedrangara sawarang ong-a?

Aganchakani: Uarangara mitam mondolirang ong-a jean Babylon ma-gipani tol-a skianirangko warachakaha aro dal-gipa Protestant Reformationni somoio uko wate katangaha. Indiba ja-mano uamang niamrangko aro ma-gipani kamrangko daksningtaina a-bachengaha, indake uamang an-tangtangan ga-akaha. Darang me-chikba dari me-chik ong-e atchija. Protestant mondolirangni demechikko mesokgipaba gaakna atchija. Je mondolian ba dolan Babylonni tol-a skianirangko ja-rika aro dakronga ga-akgimin mondoli ba de-mechik ong-na man-a. Uni gimin Babylon ian nokdangni bimung ong-a jean ma-gipa mondolini skianirangko ja-rika aro jerangan uni demechik ba dedrang ong-a uamangba ga-akaha.



7

Parape-a 17 o, maina ma-gipa Babylonko matburungni kosako gakate re-gipa ine talataniko daka? Maiko ia matburungara mesokaha?

Aganchakani: Parape-a 13:1-7 o, Jisu popeni kamko mondoli aro sorkari bakrime ka-gipa ine talataniko mesoka. (Talbate ma-sina Poraiani Lesson 20 ko niatbo.) **Parape-a odhai 17**, Jisu mondoliko (dari) aro sorkariko (matburung) apsan nangrimani dongoba dingtang dake bimangrang onga ine talate mesokaniko daka. Me-chik matburungo gakata, jeni miksonganian mondoliara sorkarichi sason ka-aniko man-a.

8

Maia gipin bilrang bon-kamgipa obostaranko chu-sokatanio pope baksa nangrimaniko daka?

“Aro anga drakonni ku-sikoni, aro matburungni ku-sikoni aro tol-a katchinikgipani ku-sikoni, gittam marang gnang gisikrangko, diplokrang gita ong-katako nikaha. Maina uarangan chinrangko daggipa korerangni gisikrang ong-a; uamang Bilakbatgipa Isolni dal-gipa salo dakgrikaona uamangko rimchimongna, a-gilsak gimikni rajarangona ong-katanggiparang.” (Parape-a 16:13, 14).

Aganchakani: Parape-a 12:3, 4 o janapgipa drakon aro **Parape-a 13:11-14** aro **19:20** ni tol-a katchinikgipa **Parape-a 13:1-8** ni matburung, ba pope baksa nangrimaniko daka.

- A. **Parape-a 12** ni drakon Satanko mesoka jean songsarek Romechi kam ka-enga. (Poraiani Lesson 20 ko u-ibatna poraibo). Ia bon-kamani salrangode Kristian ong-gijagipa toromrang baksa rongtalgija bakrime kam kaanirang donga jedake Islam, Buddhism, Shintoism, Hinduism, Gitalgipa Chasong (New Age), mandeni gita jakgitele bebera-ani aro gipinrang.
- B. Tol-a katchinikgipa United States o bebeoni ekanggipa Protestanrangko mesoka, jean matburungko olakkichina a-gimikko didianiko dakanio re-dilgipa ong-gen (Poraiani Lesson 21 ko nibo).
- C. Matburungde popean ong-a (Poraiani Lesson 20 ko nibo).
- D. Ia dolgittam bilrang: Kristian ong-gijagipa toromrang, aro sorakarirang, bebeoni ekanggipa Protestant torom, aro Roman Catholic bon-kamao Armageddono dakgrikanio chakpagiprang ong-gen – Isolni, Uni niam, aro Uni bebegipa ja-rikgiparangni kosako bon-kamgipa dakgrikani. Ia bakrime kam ka-gipa dolkon “Dal-gipa Babylon” ine Jisu **Parape-a 18:2** o mingaha.



9

Maikai dingtangdingtang ong-gipa bebera-gipa dolrang bakrimanio bilakgipa ong-gen?

“Uamang gisiksan, aro an-tangtangni bil aro nokgipa
ong-aniko ua matburungna on-a” (Parape-a 17:13).

Aganchakani: Parape-a 16:13, 14 o indine agana “gitam marang gnang gisikrangko diplokrang,” uamang chinrangchi antangtango nangrimate kamko kagen. Me-mang muni puani – sigiminrang tanga aro tanggiparang baksa agangrikna man-a ine bebera-ani – pilakko nangrimatgipa skiani onngen. Satan aro uni sa-grerang - sigimin kas-agiminrangni gisikrang, skangni katchinikgiparang, salgini sa-grerang (2 Korinthisrangna 11:13, 14) aro Kristo dakeba, mesokgen (Mati 24:24)– uamangni kamrangara salgioni dil-ako man-gipa ong-a ine a-gisak gimikko bebera-atgen (Poraiani Lesson 10 ko nibo). Maibakai ong-gakgipa, ia rokom gitam bimangrang sigiminrangko tange donga ine bebera-a:

- A. **Catholic** mondoli Mariamo bi-aniko daka aro gipin sigimin toromirang an-tangtango ja-rikgiparangko aiao inmangipa chinrangchi pattina man-a ine bebera-a.
- B. **Kristian ong-gijagipa** toromrang ong-na ampilgija dake sigimin janggirango bebera-a aro olakkianiko daka. Gitalgipa Chasong (New Age) toRomrangna sigimin janggirang baksa agangrikna mana ine bebera-a.
- C. **Bebeoni ekanggipa** Protestant dolrang sigiminrangde sikuja, indiba, salgio ba noroko tange dongenga ine bebera-a. Indake uamang altuabee korerangchi tol-napaniko man-ronga jerangan sigimin janggirangchi mesokaniko daka.



10

Maidakgipa paprangni a-sel Isol Babylonni kosako ka-o nanga?

“Ga-akaha, ga-akaha, dal-gipa Babylon” (Parape-a18:2) ... aro korerangni dongram, aro pilak marang gnanggipa gisikni patok, aro pilak marang gnanggipa aro mitchia do-drangni gring ong-aha” (Parape-a 18:2, 23). “je baksan a-ani rajarang til-ekaha, aro a-ao donggiparangko uni til-ekani draka bitchichin pekataha” (Parape-a 17:2, 4; 18:3). “a-ani rajarang unbaksa til-ekaha” (Parape-a 18:3).

Aganchakani: Ga-aka inani ortode Sastroni bebe ong-aoni aro chong-motgipa Isolko olakkiaoni an-pilaha (2 Pitor 3:17, 18). Indake, Isol Babylonko (1) diabolrang baksa namgijagipa gisikrangko me-mang muni puanichi re-bachina okamanina aro (2), korerangni gisikrangchi a-gimikko tol-napanina ka-o nangaha. Tol-gipa ku-chilrangan Sastroo rokomsa mitchiani ong-a (Toe Skianirang 12:22). Babylonni draka bitchi jeon



tol-a skianirangchi uko ringgiparango goka changata aro uamangko gisikni gita pekatako man-aha. Uni bikpilde, mondoliara Kristoni namchik ong-a (**Parape-a 19:7, 8**) aro Una ka-sara aro Unasan bebe ong-ani donga – jekon Jisu An-tangni ge-etanirango rakkigiparang ine agana (**Johan 14:15**). Uni gimin, popeko an-tangni segipa, Jisuoni (**Jakob 4:4**) an-pile re-angahani gimin aro sorkarirang baksa dakchakaniko man-na kragija nangrimahani (mondoli aro sorkari) gimin matnangaha. Unbaksana, Babylon “manderangni janggirango” (**Parape-a 18:11-13**) badingchiwalaniko dakaha; indake Isol Babylonko Isolni dedrangko gamchate ra-ani pal manderangko badingchiwalani dakahani gimin parake matnangaha.

11

Babylonni draka bitchio maia mitam tol-e skianirang donga jean manderangko gisikni gita pekatako man-aha aro jajaataha?

Aganchakani: Aiao inmanide, mitam Protestantni da-alo skianirango Sastroo niknan man-srangja. Uarango Protestant mondolirangona Ma-gipa Romeni mondolichi ra-napbaha, jean songsarek toromoniko uarango man-skaha. Tol-a skianirangni aditarangara:

- A. **Isolni niamko dingtangataha.** Isolni niamko mamungdakeba dingtangatna ba ra-galna man-ja (**Luk 16:17**). Poraiani Lesson 6 iani bilagipa bebe ong-ani Sakiko niatbo.
- B. **Janggiara sina manja.** Sastroo “janggi” aro “gisik” ko 1,000 chang ong-nasipile janapaniko daka. Uano changsaba janggiara sija ine aganani dongja. Manderang sina man-a (**Job 4:17**), aro Jisuni gnigipa re-bapilkujana kingkingde darangba sigijaniko man-na amja (**1 Korinthingana 15:51-54**). (Poraiani Lesson 10 ko bang-bate u-ina poraibo).
- C. **Papirang jringjrotna noroko kame donga.** Sastroo skia je papirang janggi aro be-en gimikan wa-alo kamchonatako man-gen (dongjawaha) (**Mati 10:28**). Noroko jringjrotna kamaniko Sastroo skiani dongja. (Poraiani Lesson 11 ko chu-gimikko ma-sina nibo).
- D. **Chio sim-bole napbolaniko dakna nangja.** Chio sim-bole napolanikosan Sastroo ra-chaka (chu-gimikko ma-sina Poraiani Lesson 11 ko nibo),
- E. **Robibar sal Isolni rongtalgipa sal ong-a.** Sastro mamung sing-anian donggija skianiko daka je rongtalgipa salde snigipa sal Neng-takani salan ong-a – Sonibar. (chu-gimikko ma-sina, Poraiani Lesson 7 ko nibo).

U-ie Ra-ani: la tol-a skianirangko, changsa bebera-ahaode, “jajaaniko” ra-bana man-a (jekon “Babylon” ine chong-mot miksongani ong-a) aro Sastroko u-ie ra-na neng-nikbatani ong-a.

Gisik Nange Chanchina Nangani

Ian gisiko nange chanchina nangani ong-a je haida mitamrangde Babylonni draka bitchiko u-ijae ringmanengnaba dongaha. Haida ian nang-nade gitalgipa ong-naba donga. Indake ong-genchimode, nang-ko redilchina Isolo bi-bo (**Mati 7:7, 8**). Indake Sastrooniko am-bo (**Watatarang 17:11**). Jisu bachi re-dilenga uko ja-rikna na-a ku-rachakbo, aro Ua ong-gijagipa ramaona bon-ena nang-ko on-jawa (**Johan 7:17**).

12

Armageddonni dakgrikanio sawarang Gitelchipak ong-gen?

Aganchakani: la bon-kamgipa dakgrikanio, salgini sa-grerang (**Ibrirangna 1:13, 14; Mati 13:41, 42**) aro Isolni manderang – dongpitigipa (**Parape-a 12:17**) – Jisu baksa bakrimgen, jean salgini kotokrangko (**Parape-a 19:11-16**) Satan aro uko chakgiparangni kosako dakgrikna re-dilgen. Isolni dongpitigipa manderangara Babylonni tol-e skianirangko jegalgiparang ong-a (Poraiani Lesson 23 ko nibo) (1) Uamangko Jisuna ka-sagiparang ine u-igen (**1 Johan 5:2, 3**), (2) Uo kakket bebera-ani uamango donggen (**Parape-a 14:12**), aro (3) Uni kattana aro ge-etanirangna uamang bamgen (**Parape-a 12:17; Johan 8:31, 32**).

13

Isolni bebe ong-ani aro Satanni tol-anirangni gisepo bon-kame dakgrikanio Satanni miksonganiara maidake ong-gen?

Aganchakani: Satan Isol aro Uni Depanteko mitchioba, ua aro uni sa-grerang an-tangtango rongtalgipa seng-ani sa-grerang aro bebegipa Kristian kamalrang gita dakjegen (**2 Korinthingna 11:13-15**). Ua an-tangchipakko kakket ong-a ine mesokna toromi, gisikni gita ong-a dake nikatgen, aro Jisu gita nikate a-gilsakni sakantikong ong-nasipile tol-napgen aro uko ja-rikatgen (**Mati 24:24**). Ua bakrao Jisuko dakmajoaha gita Sastroko jakkalgen (**Mati 4:1-11**). Satanni aganna changaniara inditan bebera-atna man-gipa ong-aha je ua salgini baggittamni baksa sa-grerangko, Adam aro Hobako, aro, Chi dubiani somoio, a-gilsako sakchetna agre pilakkon tol-napaha.

14

Maidake Isol iako warachakna miksonga?

“Niam aro sakkichina hai! la katta gita uamang aganjaode, beben uamangna mamung seng-baa dongja” (Isaia 8:20).



Aganchakani: Isolara pangnan Satanni bebe ong-ani gimin tol-aniko warachakronga. Jensalo bakrao Satanchi dakmajoaniko man-ahaon, Jisu Sastroni kattarangko changni chang agantaitaianiko dakaha (**Mati 4:1-11**). An-tangni dongpitigipa manderangchi, Isol dal-gipa Babylonni Sastroni gita ong-gija bewalna bebe ong-aniko agangen. Ua rongtalbeen agananiko dakgen je Babylonara tol-a skianirangko mesokenga (**Galatirangna 1:8-12**), jean billion manderangna tol-ako bebero-na do-gako oe on-aha aro gimaataniko man-aha. Isolni warachakna kam ka-aniko **Parape-a 14:6-14** o sa-gre sakgittamni nama kattarangko donsomanaha, jerangkon an-ching Poraiani Lesson 27ni lesson 9 o sandianiko dakna man-a. la minggitam nama

kattarang Satanni tol-e skianirangni kosako paraken mikrakataniko dakaha aro manderangko Isolko aro Una bamna, gisikosan ong-aia indiba Sastroni bebe ong-anioaba olakkichina okamaha.

15

Isolni bon-kamni somoina mikrakatani nama kattarang aro ka-donganiera chu-sokgipa ong-genma?

“larangni ja-mano anga sakgipin sa-gre bil gnangbegipako salgioni ong-onako nikaha; aro a-a uni rasongni seng-ako man-aha” (**Parape-a 18:1**).

Aganchakani: Sastroo, sa-grerangko kobor ra-timgiparang ba nama kattarang dake mesokaha (**Ibbrirangna 1:13, 14**). Isolni bon-kagipa somoio mol-molaniko dakaniko bilakgipa sa-grechi mesokaha jeni bilan inditan dal-a je a-gilsak gimikan Isolni bebechi aro rasongchi teng-suatako man-gen. la bon-kamani somoio, Isolni on-gipa nama katta a-gilsak gimikni manderangona re-anggen (**Parape-a 14:6; Mark 16:15; Mati 24:14**).



16

Maia bon-kamgipa, bak bak dake mol-molaniko Babylo no dongkuenggiparangna Jisu dakgen?

Aganchakani: Ua indine agangen, “Uoni ong-katbo, O angni manderang, maikai na-simang uni paprangmung bak man-pajawa, aro maikai na-simang uni dukko man-pajawa. Maina uni paprang salgi gitotaha, aro Isol uni toromi ong-gijarangko gisik ra-aha.” (Parape-a 18:4, 5). Ka-sapae iako uie ra-bo je Jisu Babylo no donggipa bang-a manderangko “Angni manderang” ine aganenga. Babylo no bang-a million kakketgipa Kristianrang donga jerangan ia mikrakatani nama kattarangko knakuja. Ia manderang Gitelna namen ka-sara, aro uamangko angni dedrangrang ong-a ine Jisu agana.



17

Maikai Jisuko ka-sagiparangara jerangan da-o Babylo no ong-enga Uni ong-katbachina mol-molaniko knaon aganchakaniko dakgen?

Aganchakani: Jisu agana, “Ia noloni ong-gijagipa angni gipin mesrang gnang. Uarangkoba anga mobana nanga, aro uarang angni ku-rangko knagen, aro jaksan, nirikgipa saksan ong-gen ... Angni mesrang angni ku-rangko knara, aro anga uamangko u-ia, aro uamang angko ja-rika”

(Johan 10:16, 27). Jisu Babylo no dongenggipa An-tangni dedrangrangko u-ia. UnbaksanAbachenga Ua Babylo no gimaatna skang uoni ong-katbachina okamgen ine ku-rachakaha. Aro, pilakna bate, Jisu kurachakaniko daka je Uni manderang jerangan Babylo no ong-kuenga uamang Uni ku-rangko knagen aro u-igen aro uoni naljokaniko man-na gita ong-katbagen.

U-ie Ra-bo: Parape-a 14:6-14 o anchingni skugipa sagre sakgittamni nama kattarangni gimin chanchigrikaniko dakanio ian snigipa Poraiani lesson ongenga. An-chingni minggipin Poraianide Isolni bon-kamgipa somoini mondolini gimin ong-gen jekon na-a u-ie ra-na gita man-gijan ong-jawa.

18

Na-a Babylo no ong-kuode, na-ara Jisuni bakkak uoni ong-katbachina okamaniko knachakna sikgenma?

Nang-ni Aganchakani:

Nang·ni Sing·anirangna Aganchakaha

1. Babylono anga dongkue, uoni ong·katani pal uko gital dakna jotton ka·ode namjawama?

Aganchakani: Ong·ja. Jisu agana Babylonde gimaatako man·nasiengaha, gital dakna ong·a. Ua an·tangni draka bitchichi pekatako man·gen (Tol·gipa skiani ine **Parape·a 18:2-6** o nikmanaha). Ia a·selni giminsa Ua An·tangni manderangko ong·katbachina okamenga (**Parape·a 18:4**).

2. Parape·a 16:12 ni salaramni rajarangara sawarang ong·a?

Aganchakani: Salaramni rajarangde salgini rajarangan (Pagipa and Depante) ong·a. Uamangko salaramni rajarang ine mingaha maina uan rama ong·a jeonin salgini janggi nganggiparang a·gilsakona re·bara. Mesokatna gita, iarangko u·ie ra·bo:

- A. Jisuni gnigipa changna re·bapilaniara salaramoni ong·gen (**Mati 24:27**).
- B. Isolni rasong salaramoni re·bara (**Ezekiel 43:2**).
- C. Parape·ani mohor sugipa sa·gre salaramoni re·bara (**Parape·a 7:2**).
- D. Sal, jean Jisuko mesoka, salaramoni ong·katbara (**Malaki 4:2**).

3. Babylonni ga·akani gimin mikrakataniko dakaniara Babylonara pangnaba ga·akkujama?

Aganchakani: Oe. Batanggimin somoio, Babylonko man·gope bang·a mondolirangan Jisuna bilake, bebe ong·e chadengani donga. Rikdiligiparango gualanirang dongoba Isolna bebeo olakkigiparang onga, uamang pilak bebe onganiko manna, Sastroko dingchike sandianiko dakachim. Mondoli gimikande da·alo ga·akkuja. Indioba, je mondolian Babylonni tol·a skianirangko skipaa aro uni dakbewalrangko ja·rika ga·akgimin demechikrangoni saksa ong·na man·a.

4. Jensalo Babylononi ong·katchina okamaniko man·on, bachina Kristian mandeara re·angna nanga?

Aganchakani: Isolni ge·etanirangko rakkigipa manderangko sandibo, Jisuni bebeo dongbo, aro sagre sakgittamni nama kattarangko aganprakbo, aro uamang baksa bakrimbo (**Parape·a 14:6-12**). Poraiani Lesson 23 o chon·kamani salrango Isolni mondolini gimin chu·gimik talataniko daka.

5. Parape·a 17:12-16 ni sak 10 rajarangara maiko mesoka?

Aganchakani: Sak 10 rajarang a·gilsakni songnokrangko mesoka. Daniel 2 ni ja·si ge 10 ni bimang aro Daniel odha 7 ni donggipa kenbegnigipa matburungni grong gong 10 ara Europeni dam 10 songnokrangko mesoka. Indioba, Parape·a odha 11 ko odhai 18 gita ortoko apalbatataha jean pilak “a·ani rajarang” ba “pilak jatrang” ko miksonga (**Parape·a 16:14; 18:3 ko nibo**).

6. Parape·a 16:13, 14 o “diplokrang” ara maiko mesoka?

Aganchakani: Diplok an·tangni cha·aniko an·tangni srechi rim·e cha·a, uan tol·gipa srerangko mesoka jean da·o a·gilsak gimikchinan gipangaha. Ka·sapae gisik ra·bo je aiao inmanani kamrang, ku·sik gipinko aganna man·aniko man·gope, mingsanni bebe ong·aniko mesoka – uan kosakni bil. Indiba Sastro an·chingna u·iataniko dakaha je kosakoni re·bagipa bilara Isoloni ba Satanoni ong·na man·a. Aro taldapatani daka je Satanara seng·ani sa·gre

dake mikkang pa-e (**2 Korinthisrangna 11:14**), kosakni bilrangko jakkale aiao inmangipa kamrangko inditan bilake kam ka-gen je a-gilsak gimikan ong-nasipile tol-napaniko man-gen aro uko ja-rikgen (**Parape-a 13:3**). Ia somoio de, ua tol-e agangipa gipin ku-sikrangko jakkalenga jedakode mondolirangko aro pilak gipin ma-malrangko damsan ong-atna man-gen – iano songsarekrangkoba man-gopa. Pilakan gipin ku-sikko aganna man-achi an-tangtango chong-mot ong-a ine chanchia.

An-ching Gisikrangko Name Dake Nina Nanga

Sastro mikrakataniko dakaha je an-ching gisikrangko namedake nina nanga (**1 Johan 4:1**). Uarang Sastro baksa melijaode uarang tol-giparang ong-gen (**Isaia 8:19, 20**). UnbaksanAbachenga Gisik Rongtalgipani chong-motgipa on-anirangko Isollo u-ieba manigijagiparangna mamungdakeba on-ja (**Watatarang 5:32**). Uano chongmotgipa kusikrangko aganna manani donga. A-bachengo skia man-gijagipani aro u-igijagipani aiao inmanpile gipin a-songni ku-sikrangko rongtalbee aganna man-aniara aiao inmanpilani ong-aha (**Watatarang 2:4-12**). Isol ia on-aniko nangani somoio An-tangni bon-kamgipa somoini nama kattarangko gipin ku-sikrangona u-iatna jakkalaha. Iako Pentecostni somoio nangaha maina rokom 17 ku-sikni dolrang mande jinmao dongengachim aro Uni sninggiparang ua ku-sikrangko u-ijaha.

7. Gitalgipa Chasongni (New Age) mondoli bon-kamani somoio nama aro namgijani gisepo dakgrikanio mongsonggipa bakko ra-genma?

Aganchakani: Iano mamung jajaani dongja! Ian montol daggipa, aro me-mang muni pigipa baksa bilaken bakrimaniko daka. A-gilsakni bon-kamgipa dakmesokaniko chipnasiengon me-mang muni pianian mongsonggipa ong-gen. Ong-ronggijagipa tol-e skiani ku-sikrangni bil baksa aro bon-kamani somoio a-gilsak gimikni mondolirang dol dake nangrime, a-gilsak gimikan me-mang muni pianichi satpakako man-gen. New Age-ara gisikrang baksa agangrikna man-a aro mandeara sioba atchitaia ine songsarekni skianiko bebera-a. Ian janggiara sija aro a-gilsakni manderang baksa agangrikna man-a ine bebera-aniara Eden bario Hobako Satanni tol-napani baksa apsan ong-a: “Na-a sichongmotjawa” (**Abachenga 3:4**). (Siani gimin chu-gimiko ma-sina Poraiani Lesson 10 ko poraibo.)

8. Daniel odhai 7 aro Parape-a odhai 13, 17, aro 18 antichristni kamrangni gimin Isolni parake on-aniara namen rongtalbea. Antichristni gimin Sastroni gipin bakoba janapani dongama?

Aganchakani: Oe. Matburung, ba antichristni, bilko(kamrang) Niam Gitcham aro Niam Gitalni mingsku katchinike agananirango nikna man-a: **Daniel 7; Daniel 8,9; Daniel 11; Parape-a 12; Parape-a 13; Parape-a 16; Parape-a 17; Parape-a 18, aro Parape-a 19**. Beben, jensalo Isol changskuna kingking dingtangdingtang somoirango janapaniko dakon, Ua an-chingko knatimaniko nangnikenga!

9. Satanni songnok jekon “Babylon” ine mingaha, ian Babel nokko rikaoni a-bachengama?

Aganchakani: Ong-ja. Ian Satanni Isolni kosako salgio bobil dake chakataonin a-bachengaha. Isaia katchinikgipa Luciferko uni ga-akani somoionin Babylonni raja ine talataniko dakaha (**Isaia 14:4, 12-15**). Isol Satanni songnokko pap a-bachengaoonin Babylon ong-a ine nikaha. Satan Isolni songnokko chu-gimikan nisiatsrange



an-tangni songnokko songgen ine ku-mikchetaha. Uano rama cholgnisan donga ine Jisu aganaha (**Mati 7:13, 14**).

A-gilsako Janggi sakantian bon-kamaode samsachipakosan riting dakna nangen, ian Jisu ba Babylon. Ian tangani aro siani ong-a.

Jerangan Jisuna dangdike on-a aro dakchaka Uni salgini songnokona jokatako man-gen. Jerangan Babylonko dakchaka gimaatako man-gen. Aro chanchianiko dakna uano bang-gijasan somoi dongaiaha. Uni giminsa Jisuni bon-kamani somoio Babylonni kosako mikrakataniko knachakaniara namen nangchongmotgipa aro bakbak dakna nanggipa ong-a.

10. Parape-a 16: 12 o, salaramni rajarangna ramako tarisona Euphrates Chimibani chirang tipaha inaniara maiko miksonga?

Aganchakani: A-bachengo gitcham Babylon songnokko Mediani Darius rajachi rim-gittangaha, Euphrates Chibima jean songjinmani pakmarangni ka-ma gita jokengachim, uko mandeni jakchi daggipa pokkiona watatskaha. Chiko indake watatskaaniara Dariusni sipairangna songjinmako walni somoio pakmarangni ka-ma joljol ran-gipa chi rama gita rim-gittangna cholko on-skaaha. Parape-ani katchinike aganania, chiara manderangko miksonga (**Parape-a 17:15**). Uni giminsa, Euphrates Chibimani chirangko “Dal-gipa Babylon”ko ja-rikgiparang ine agana aro jensalo uamang Babylonni kosako chakate nisiatna mangsonganiara dakchakani gri ong-e tipgipa chi gita ong-aha (**Parape-a 17:16**).

Nang.ni agananiko ba sing.anirangko iano sebo



15



16



17



18




19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggpako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. “Babylon” kattara maiko miksonga? (1)

Bilding bildang ong-ani
Tol-napgipa
Bobil dake chakatani

2. Sastroni katchinike aganano ma-gipa Babylonara maiko mesoka? (1)

United Nations
Pope
Jisuni ma-gipa Mariam

3. Ma-gipa Babylonni demechikrang sawarang ong-a? (1)

Niam Gitalni me-chikrang – Priscilla, Elizabeth, aro Dorcas
Europeni ranirang
Ma-gipa Babylonni tol-a skianirango aro dakbewalrango ja-rikgipa mondirang.

4. Ma-gipa Babylonni gitchakmrang matburungo asonggipako maichi mesoka? (1)

Mondoliko sorkarini sason ka-ani bilo dona, jean uko sepangchapchap dakchakaniko.
Me-chikrang matburungna namgipa skigiparang ong-a
Me-chikrang ja-achi re-gija gakate re-na nanga

5. Babylonni maia tol-a skianirang manderangko gisikni gita bildingbildingatgen? (4)

Bia ka-ani rongtalani
Siara tusia gita ong-a
Papirang noroko jringjotna kame donga
Robibar salko Isolni rongtalgipa sal dakani
Gisikrang, ba janggirangni sigijani
Chio sim-bole napbolani
Isolni niamko bon-ataha ba dingtangataha

6. “Babylon ga-akaha” inani ortoara (1)

Salgioni sa-gre ga-akaha
Babylonko banggriachi nangtingataha
Ma-gipa mondoli aro gipin mondirang jerangan uni tol-a skianirango ra-chake Sastroni bebe ong-aoni aro chong-motgipa Isolkol olakkiaoni ga-akaha.

7. Column 1-ni symbol-ni mikkango donggipa alphabet-ni oikor-ko column-II-o donggipa uni chong.motgipa ortoni mikkango donbo. (Ka.mao on.gipa mesokaniko nibo) (9)

CHIN

- A. Me-chik
- B. Chi
- C. Matburung
- D. Salaramni raja
- E. Tol-a katchinikgipa
- F. Babylonni draka bitchi
- G. Raja sakchikkung
- H. Drakon
- I. Sa-gre
- J. Babylon

CHONG-MOTGIPA MIKSONGANI

- ___ Jisu aro Pagipa
- ___ Tol-gipa skiani jean manderangko jajaataha
- ___ Satan songsarek gita kam ka-enga
- A** Mondoli
- ___ Kobor ra-timgipa ba nama katta
- ___ Sason ka-ani bil ba songno
- ___ Manderang/mande jinma
- ___ Americao donge bebeoni ekanggipa Protestant
- ___ Bilding bildang ong-ani
- ___ A-gilsakni jatrang

8. Euphrates Chibimani chi tipchanganiana maiko miksonga? (1)

Bon-kamani salrango chi namen komiani
Bon-kamani somoio cha-ani chu-ongjawa
Babylon an-tangko ja-rikgiparangni dakchakaniko gimaatgen.

9. Babylonara nokdangni bimung jean pilak toromrang aro mondirangko man-gopa. (1)

Ong-a Ong-ja

10. Sawa manderangko Babylononi ong-katbachina okama? (1)

Sa-grerang Lucifer
Sakchikkung rajarang Jisu

Kristian ong-gijagipa toromrang
United Nations
Bebeoni ekanggipa Protestant
Spaceni manderang
Pope

11. Ong-kate re-baani pal ga-akgimin monoliko gisik pil-ataniara namjawama? (1)

Ong-a Ong-ja

14. Jensalo Jisu An-tangni manderangko Babylononi ong-katbachina okamon, uamangara ong-katbagenma? (1)

Oe Ong-ja

12. Babylonni draka bitchichi pekata inani ortoara maia? (1)

Chu ringgipa ong-na
Unbaksa dolo napna
Be-enni gita saaniko man-na
Uni tol-a skianirangchi bildingbildangananiko man-na.

15. Bang-a manderangan Babylono ong-engga indiba uni gimin u-ija. (1)

Ong-a Ong-ja

13. Maia minggitam bilrang Jisu aro Uni manderangni kosako bon-kamani salo dakgrikna nangrimgen? (3)

16. Na-a Babylono ong-kuode, na-ara Jisuni babak uoni ong-katbachina mol-molaniko knachakgenma?

Ong-a Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :

Nang.ni Email :

Phone Number :

Nang.ni Address :

City, District :

State :

Country :

Pin :

Bilsi :

Misi :

Nang.ni contact info-ko tik dake on.bo